

“Diploma Arubiano” ta perdiendo balor

NA 2012 Aruba a firma un acuerdo cu Hulanda tocante exigencia pa examen final HAVO-VWO.

Den e protocol cu a keda firma a palabra cu Aruba lo tuma e normanan di Hulanda over. Esaki ta kerí hopi adaptacion. Pero dos aña despues cu e protocol a keda firma practicamente tur cos a keda mescos. De un carta cu e hunta di supervision di SMOA (Colegio Arubano) ta expresa su preocupacion pa e situacion aki. Nan ta teme cu e estudiante Arubiano despues por encontra problema na momento cu nan bay inscribi na un Universidad Hulandes.

E otro islanan den Reino tambe a firma e mesun acuerdo aki. Pa Aruba e consecuencianan ta aun mas grandi pasobranos a e tempo ey pa duna un otro contenido pa HAVO-VWO.

E estudiante Arubiano ta haya un vak menos y nan tin otro profielnan (specialisacion).

Esey tin como consecuencia cu sem-

per instancianan Hulandes ta critica e diplomanan otorga na Aruba y e escogo di vaknan.

Segun informacion obteni, Universidad na Leiden no ta considera e diploma VWO di Aruba ekivalente y ta laga e estudiante Arubiano un examen di admision. Minister di Enseñansa Hulandes ta laga na cada scol pa determina nan exigencia di admision pa determina cua estudiante por ta exitoso.

Nunca Gobierno di Aruba a publica e protocol di cooperacion aki. Via di e Ministerio di Educacion y ex-decano Hans van Tuijl di Colegio Arubano e documento a bini den publicidad. Colegio Arubano a organisa na mei 2013 un dia di estudio caminda ideanan a keda trata adaptacion di lesnan y vaknan. Un aña y mei despues di e dia di estudio, nada no a cambia y e recomendacionnan no a keda implementa.

SMOA ta reprocha Minister Michelle Hooyboer-Winklaar un falta di accion

decisivo den e caso aki. Tambe SMOA no a duna suficiente. Na momento di formacion di Gabinete Eman II, SMOA a bolbe trece e punto aki na atencion. Tur adaptacionnan necesario ya mester a wordo introduci. Segun reglanan di e protocol e studentenan di e actual klas 4 di HAVO y VWO ya caba ta keda perhudica. Nan ta esunnan cu aki un par di aña mester bay Hulanda y lo no cumpli na e exigencianan cu ta wordo pidi. Minister Hooyboer no por bisa pa cuanto tempo mas Hulanda kier duna Aruba un extension di ehecurion di e normanan di admision nobo. Un copia di e carta cu a keda manda door di SMOA pa Minister entre otro a keda manda pa Ministerio di Enseñansa na Hulanda pa mas pronto posibel haya mas claridad tocante e asunto aki cu ta durando mucho largo. Tambe e comision di Enseñansa den Parlamento y tambe Prome Minister Eman a haya un copia di carta aki. E regla di admision nobo ta considera cierto vaknan importante, y pa e vaknan

aki e alumno no mag haya un “onvol-doende” y tambe pa e examen final e promedio di tur vak mester ta un “vol-doende”. Hopi alumno ta slaag na momento cu nan tin vaknan ta compensa otro. E compensacion aki lo keda limita segun e reglanan nobo. E evaluacion lo ta hopi mas pisa, sigur teniendo cuenta cu e cifra pa e vak Hulandes.

SMOA ta indica cu e cambionan den reglanan di admision mas estricto pa e prome aña di Colegio lo refleha den e admision despues di e alumno di MAVO pa HAVO.

Pa Colegio introduccion di e regla nobo, igual cu Hulanda lo ta un problema. E alumno lo mester sigui un vak extra. Algun alumno ta opta riba nan mesawor pa tuma un vak extra pa aumenta nan posibilidadnan pa sigui nan estudio avansa. Pero aki ta trata di alumnonan cu ta riba un nivel riba esun normal. Den futuro tur alumno lo mester scoge e vak extra aki segun regla.